

**Nunat Aqqinik Aalajangiisartut
marlungorneq juunip 9-anni 2015-imi
Ilimmarfimmi ataatsimiinnerat**


Peqataasut.: Carl Christian Olsen, Abia Abelsen, Stephen Heilmann aamma Tukummeq Qaavigaq.

Peqataannngitsut: Karl Møller , angalanini pissutigalugu.

Allatsi: Lisathe Møller Kruse

Oqaluuserisat makkuupput:

1. Tikilluaqqusineq ilisimatitsissutillu
2. Imaqarniliap akuerisassatut saqqummiunnera (*apriilip 22-anni 2015-imi ataatsimiinnermit imaqarniliaq*)
3. Suussutsinut nalunaarsuutit kalaallisut misissoqqinneri paasisitsiniutiginnissaallu
4. Illoqarfiit nunaqarfiillu aqqi akuerisat
5. Google atorlugu nalunaarsuinerit pillugit nassuiaatit
6. Asiap aamma Nunami Namminerimi Naalakkersuisoqarfiup, Geodatastyrelsen Mærskip aningaasaligaannik suliniutaata ingerlaneranut nassuiaat
7. Taasariaqartut allat



1. pillugu –

Ataatsimiinnerup aallartinnerani Nunat Aqqinik Aalajangiisartunut siulittaasoq CCO tikilluaqqusivoq.

2. pillugu –

Apriilip 22-anni 2015-imi ataatsimiinnermit imaqarniliaq akuerineqarpoq.

3. pillugu –

Nunat Aqqinik Aalajangiisartut suussutsinut nalunaarsugaatit kalaallisoortat misissorpaat, naammassingajaleraluarlutik sulilalersugassanik peqalaarmat.

Suussutsinut nalunaarsugaatit 252-inik suussutsinik imaqarput, taakkulu sionatigut qallunaatuinnaq allaqqagaluartut kalaallisoortaqalersillugit suliarineqarlutik piaringajalerput.


Nunat aqqisa suussusiisa ilaat assigiingajaqqinnaanik isumaqartut qanoq pineqarumaarnersut pillugit NAA-mi ilaasortat eqqartuipput, soorlu nunap aqqata suussusii FJELD SPIDS aamma TINDE, SKRÅNING aamma FJELDSKRÅNING qanoq pineqarumaarnersut eqqartorlugit . NAA-mi ilaasortat eqqartuereerlutik aalajangerput nunat aqqisa suussusii nalunaarsukkamiittut allanngortinnagit taamaatsiinnarlugit allanngortinneqassanngitsut.

Nunat aqqinik nalunaarsuinermit nunat aqqi ilaatigut suussusilersorniarnissaat nalorninarsinnaasarpoq, amigaateqalaarneri pissutigalugit. Nunat aqqisa suussusii nunat aqqisa suussutsinut nalunaarsuiffianiinngitsut Nunat Aqqinik Aalajangiisartunit ilanngutsinneqartut ukuupput;

Suussuseq qallunaatut	Suussuseq kalaallisut	Naalisarnera
UR	Qerrut	UR
Skyggeside	Alanngoq	SKYSI
Solside	Saqqaq	SOLSI

4. pillugu –

Kalaallit Nunaanni illoqarfiit nunaqarfillu aqqisa allattorsimaffiat Nunat Aqqinik Aalajangiisartunit misissorneqartut naammassingajalersut eqqartorneqarput. Annerusumik eqqartorneqarluni nunaqarfik qanoq paasisariaqavinnersoq. Ilaatigut eqqartorneqarpoq nunaqarfik tassaasartuq tunitsivilik, ameerniarfilik aamma pisiniarfilik, aamma nunaqarfik tassaasoq inoqarfik pisortanit



sullissivigineqarpoq. Eqqaaneqarportaaq inoqarfik nunaqarfittut isigineqassaguni atuarfeqarluni, oqaluffeqarluni kiisalu pisiniarfeqassanersoq. Inoqarfiit qulaani taaneqartunik pilersuiffigineqanngitsut siornatigut asimioqarfinnik taaneqartarnikuusimagaluartut ullumikkut taaguut taanna atornerunniukuvoq inoqarfiit taaguuteqartinneqartut tassaaginnalersimallutik illoqarfiit nunaqarfiillu.

Qulaani taaneqartut KANUKOKA-mut eqqartugassanngortinneqassapput, taakkuummata maanna suliamut tassunga soqutiginnillutik suleqataasut. Rigsombud ilanngullugu allaffigineqarnissaat Nunat Aqqinik Aalajangiisartut siunniupaat, stationit nunaqarfiillu pillugit ilisimasaqarmata. Kommuneqarfinnilu aningaasaqarnermut ataatsimiititaliat pineqartut pillugit allaffigalugit paasiniaaffigineqarnissaat Nunat Aqqinik Aalajangiisartut aalajangerpaat.

5. pillugu –

Google-mit Asiakkoorlugu saaffigineqarsimaneq tunngavigalugu Nunat Aqqinik Aalajangiisartut eqqartoreerlugu aalajangerpaat nalunaarsugaatit illersorneqarsinnaaneranut tunngatillugu Nunat Aqqinik Aalajangiisartut allattaat misissuissasoq.

6. pillugu –

Carl Chr. Olsen
Siulittaasoq

Lisathe M. Kruse
Allatsi